

小倉山房詩集

小倉山房詩集卷七

庚午辛未

錢唐袁枚子才

輓副憲趙學齋先生

名大鯨杭州人

日斜庚子歲匆匆星隕湖山半夜風
直道一生形顧影文章四海水朝東
烏臺人去黃封在紫府仙歸絳帳空
爭奈九原難瞑目庭萱百歲淚猶紅

手把山陽笛一枝素車入哭酒盈卮
還家已在聞哀後知己終思未遇時
老屋半間無宿草招魂滿壁有殘詩
滄桑細與郎君說涼雨黃昏鬢欲絲
故送王卿華詩一聯云風懷似我能憐我客路逢君又別君公逢人誦之

慰廣文虞東阜以老被劾

從古廣文先生官不飽鎮日盤堆苜蓿艸先生時愁苜
蓿清苜蓿還嫌先生老先生獵纓而坐嘆且吁將使搏
熊逐麋鬪力乎若然甚矣吾衰也否則伏生韓固方登
車我道君毋憂麥禾各有秋君不見迦陵宰相公同年
身拖紫綬歸黃泉又不見孟亭太守公同官方挂角巾
尋古歡貴者先亡賤者在閒中歲月君須愛種成桃李
滿人間收得桑榆歸物外先生聞之大喜酣千鍾自署
城南老秃翁放手劃成响嘍字開懷吹出黃農風忽聞
天子南巡詔白頭又照烟波笑想作飛熊學太公實長
三千六百鈞先生將獻詩

題張憶娘綵花圖并序

康熙初蘇州倡張憶娘色藝冠時好事者蔣
谷爲寫簪花圖一時名宿尤西堂汪退谷惠紅
豆諸公題緘襦裙褶幾滿亡何圖被盜迹之在
揚州巨賈家繡谷子盤猗以他畫贖還余至蘇
川事隔五十餘年開卷如生惜無留墨處矣爲
五絕署之紙尾

百首詩題張憶娘古人比我更清狂青衫紅袖都零落
但見真珠字數行

五十年前舊舞衣丹青留住彩雲飛開圖且自簪花笑
不管人間萬事非

想見風華一坐傾清絲流管唱新聲國初諸老鍾情甚

袖角裙邊半姓名

身後揚州又往還
芳魂應唱念家山
蘭亭肯換崔徽畫
贖得文姬返漢關

當日開元全盛時
三千宮女教坊司
繁華逝水春無恨
只恨遲生杜牧之

姑蘇卧病

一床高卧闕闕城
五月黃梅聽雨聲
楚客心孤應有病
吳宮人住豈無情
風多樹影當窗弄
夜短燈花到曉明
肯放襟懷肯行樂
中年已見雪千莖

病中謝薛一瓢

先生七十顏沃若
日瑒青松調白鶴
開口便成天上書

下手不用人間藥，口嚼紅霞學輕舉。興來筆落如風雨，
枕秘高呼黃石公。劍光飛上白猿女，年年賣藥厭韓康。
老得青山一畝莊，白版數行辭官府。赤腳騎鯨下大荒，
故人忽罹二豎災。水火欲殺商邱開，先生笑謂雙麻鞋。
爲他破例入城來，十指據床扶我起。投以木瓜而已矣，
命以木瓜下輕甌。夢似雲覺來，兩眼清如水。先生大笑
瓜代茶出門語君病，既除吾亦去。一船明月一釣竿，明日烟波
不知處。

謝吳令魏濬川問病

故人旌節駐三吳，肯辱高軒爲病夫。隔歲雲泥分吏隱，
對床心跡共江湖。鴻飛碧海烟波淡，雨過黃梅木葉麤。

更有閒情談玉石問君曾得水蒼無

老將行

黑貂將軍騎白馬年年獨獵陰山下拔劍時同霹靂爭
揮鞭慣把旋風打手中闢地一千里麾下偏裨半金紫
刮骨堂前召伎歌論功殿上揮拳起酒氣時熏甲帳中
名王擒出烟塵裏于今蕭蕭兩鬢霜日飢雲母彈清商
朝廷數遣問邊事素書幾卷存金箱朝聽禪白社暮種
瓜青門圖形不去涅面痕血甲血裳示子孫

已涼

已涼天氣病初消小市長陵宛轉橋裝罷金星風送月
魚山神女降弦超

旗亭畫壁唱新詩重托王昌寄柳枝滿架豆棚秋有露
藕花風裏說相思

官奴未敢呼卿字團扇終須記曲名聽說張星天上住
七條絃上鳳凰聲

臨行

臨行偏唱惱儂歌惹得檀郎臉亦波爲費黃金還費淚
喫虛無奈是情何

橫塘懷古

橫塘花落吳宮晚西施心痛紅顏損身受吳恩報越仇
憐渠春夢如何穩韓王進美人疏秦乃益彰西施情脉
脉或者爲同鄉子胥白頭諫刺刺吳王英雄笑不荅抱

著西苑更練田李蘿村飲合歡杯越王顏色如死灰

迎 鑾應制

一曲南風入舜琴百年重見翠華臨得瞻雲日蒼生
福欲問桑麻

聖主心鹵簿不嫌吳市小恩波原共越江深微臣曾
作中牟令聯袂應歌于蒺吟

鳳輦親扶

聖母慈金根紫躡耀坤儀承慈須得江山助教孝行看
士女知錫類高年加聚帛采風南國補笙詩 宸遊五
載虞廷例只恐民間尚道遲

黃河堤上簇金鞍玉滿羣山雪未乾日馭豈辭千里照

天容原許萬人看，梅花不落紅雲護。春水方生，御舟
寬野麥青青蠶蠅蜿。愛從此處問艱難。

聽說

先皇駕六巡，迎戀還有白頭民。松雲不改堯心舊，河
海重看禹力新。慮損田禾行綏綏，怕傷物力詔頻頻。
瓊林烟雨瑤池水，流到江南總是春。

自杭州赴蘇泊船平望曉起望雪

一夜白如此，小舟猶未行。野飛花不斷，春在樹無聲。山
影依天盡，沙光射櫂明。是誰掃蓬背，冰玉響琤琤。

四風五日

雪似蠻溪鷺鳥墮，船如西域賈胡留。篙工半老更加懶。

遊子不眠時復愁人髮絮綿走荆棘天將玉戲留孤舟
古杭距蘇三百里肯信我行五日不

寓目卽書

江村白沙明月中一個鷺鷥一釣翁鷺鷥衝魚忽飛去
釣翁猶立釣魚處

堅冰不堅寒氣斂客子未眠常倚檻北斗愁人不識春
柄在東方如指點

宋逸俊秀才宮門待漏圖

不畫青衿畫絳袍春明門外馬蹄驕平生芳草思君意
讀到唐詩愛早朝

兩兩紅燈宛宛垂奚儻攀出影歲製朝班不敘家人禮

小朱先行大朱隨

秀才弟軼材官侍講

似我烟波一葉輕八年無夢入京城曉風殘雪天街鼓
此味前生記得清

嘲月

亭西親送好斜陽又見秋蟾一片霜何故極明終是夜
祇緣著物太清涼

棄婦辭爲王麓園作

膈膈膊膊雞尚棲女兒欲去烏夜啼井中瓶落無消息
藥店飛龍有是非是非彼此憶疇昔華山畿上雲陽客
玉藕絲多郎性情菖蒲花香姿氣息只道辰星抱萬年
此生不抱前魚泣一年一年郎意變變在郎心妾不見

銀漢猶橫白玉堂。秋風先到昭陽殿。郎君面上結春冰。
妾欲爲雲雨不成。州吁白忘終風暴。簫史空呼引鳳聲。
小姑在旁不解事。猶進胡琴勸同戲。直撲金盆水不收。
方知玉顏成永棄。明年新人爪不如。郎知悔過來挽車。
妾身依舊無瑕玉。可惜郎成濁水魚。

薛徵士一瓢招同許竹素。江山樵李克三葉定湖。
俞賦拙虞東臯集掃葉莊各賦一詩。

一瓢不飲好飲客。糟邱高築蘇間門。七百斛秫麴了事。
三十六封書招人。端午後七日大開水南閣。坐中衣冠
何偉然。霜眉雪髯堆瓊瑤。彥先揮羽扇。林宗墊角巾。王
融作才語。樂令能清言。文史元儒張旗鼓。詞波四起風

軒軒癩本何妨盛德事樂亦不憂兒輩聞疑是張樂洞
庭野帝臺石上觴百神又疑雲仙傳真誥靈籙墨會來
紛紛誰知乃是高陽里中小集耳季和爲主太邱爲賓
元方執杖慈明捧尊膝上最小荀文若亦復秀眉長頰
朱點唇一蘇外孫陸郎潛虬除手令括頸無車輪但知文字飲
各醉葡萄春共算坐中春秋七百二十有三歲早已上
壓中丞蘭臺聚下繼香山九老羣只愁太史多事作妄
奏却喜此夕雨脚不斷無星辰

詩成後白嫌曼衍別呈一律

來聽蕭寺黃梅雨半是開元白髮翁入座耆英先論齒
捲簾山翠遠浮空虛堂風大江聲近水面燈高塔影紅

坐有洛陽年少客寸心傾盡酒杯中

楊枝十六韻

楊枝一朝別琴客半年借鏡檻香猶在粧臺粉未揩
靡蕪生去路梅雨滴空階追憶塵宵日難忘小市街
娉婷扶彩伴珍鬢索嫩娃子貢三挑苦丁娘十索佳
黃金虛牝擲白璧大庭埋不料驚鴻態都成嚼蠟懷
慚羶時有避梯几坐難挨笑淺知情薄燈涼使夢乖
妾生韓女病郎伴太常齋速賸拋家誓看飛却月
釵行雲原地渺歸鳥自啾啾一曲懷離賦餘情未
有涯

泊舟平望借齊次風宗伯周蘭坡學士訪玉川居

輕帆爲我慰離羣得見梅花又見君
三徑苔痕蕪草屋
一湖水氣濕春雲風停篆影微微直
雨歇鶯聲漸漸聞
彈指來遊剛十載當筵莫惜酒杯醺

青山莊

張叔度方伯園
張家已籍沒

笙歌聲斷水雲寒草草亡家暝目難
我與主人曾有舊
青山不忍上樓看

徐趙客穿雲沽酒圖

玉貌仙人衣帶斜瓢邊橫插兩枝花
穿雲何事頻來去
天上嫌無賣酒家

七月二十日夜

寒風蕭蕭打窗急半夜書翻床脚濕
直疑天壓銀河奔

又恐地動海潮入披衫開門欲喚人一峯瘦影燈前立

題蔣盤漪詩冊 并序

盤漪書法冠時索婦于閩門白蓮橋號定審觀
音亦知書工楷法有賈胡挾重價簞之姬矢志
歸蔣諸名士覽其事贈詩如梵夾余至蘇州事
已三稔慕蔣之能得人也臨行歌一詩以別蔣
袁子買舟渡江去蔣郎詩冊索詩句冊中名士寫名姬
是儂不可無詩處聞道姑蘇有麗卿蕙心蕩質擅傾城
能空冀北真無匹才讀周南便有情蔣郎沉醉酒家胡
信托黃姑問紫姑玉杵暫迷三里霧綠窗遙睇十眉圖
子南超乘先相見十丈紅絲親引線宋玉墻頭柳眼青

文君曲裏琴心變，妾解嚮花愛豈非。郎能提筆寫鍾王，
定情不用黃金合。彼此鴛鴦字一行，微波通後靈犀動。
錦字分明書鄭重，昌谷常歌泥憶雲。相如莫笑鳳求鳳，
智尼將嫁蔡興宗。師伯呼車故惱公，香粉樓高千蝶撼。
瓊珩紙好萬蠅攻，娟娟此豸坐皋臺。笑說湖陽事不諧，
梵蓮豈肯隨波去。仙杏終須傍日栽，一曲清簫吹鳳至。
滿城紅葉送詩來，紛紛吳市傳佳話。留髡席上金釵挂，
買繡爭將公子拙。熏香共把觀音畫，十里桃花塢最深。
年年不斷是春陰，金環照骨同磨墨。玉井藏冰共撫琴，
不虛漢水三挑約。價盡柴桑十願心，婁羅歷寫綢繆記。
荏苒光陰二十四，兒女成行金屋中。路人還說初婚事，

阿侯抱出頰芙蓉莫愁顏色知相似笑儂歲歲拗花看
暈碧裁紅夢轉闌王侯將相成功易名士傾城遇合難
輕舟明日趁春潮腸轉車輪酒未消極目芎蘿村在望
夕陽愁過白蓮橋

閏五二十八日買舟渡江吳下主人沈雲卓江雨
峯招兩歌郎爲余祖道

主人情重酒杯輕親把檀槽唱渭城世上別來知聚好
尊前歡盡卽悲生兩株瓊樹隨風散五月江帆冒熱行
回首桂林書舍裏闌干空照露華明

雜詩八首

咸陽赤帝子商山白髮翁千秋俱有名兩人道不同當

時頑鈍士貪立尺寸功發縱爲鷹犬忍辱相追從一
大事定鳥盡無遺弓須知殺人機卽在殺馬中韓彭終
不悟畢竟非英雄旁有四老人長嘯看青穹黃金四萬
斤列爵封上公箕踞以相奉棄之如蒿蓬有時爲漢來
龍見未央宮有時捨漢去鶴飛大海空炎漢有興衰白
雲無始終

韓信再入朝噲等俱公侯鬱鬱未一年噲貴信且囚使
信向噲拜噲寧知恥不徵生畝何物高坐呼孔邱丈夫
重意氣力欲爭上流偶然停倦足一落千丈溝天命自
有權此處非人謀朝廷兩三級挽以十萬牛雖有飛雲
足不如乘風舟中流偶失船一壺千金酬此意不能達

皇天如寃仇所以張子房寧與赤松遊

天地有春秋來往不能了不爲拘者多不爲達者少達者貴行樂行樂還須早使我明日飢我已今日飽使我明年死我已今年好不得行胸臆頭白亦爲天苟得快須臾童髡固已老

入山愁我貧出山愁我身我貧猶自可所愁戚與親我身猶自可所愁吏與民出處難自擇請以詢家人父母聞作官勸行語諄諄妻妾聞作官膏我新車輪僮僕聞作官執鞭追後塵我意獨不然亦非慕隱淪朝來見縣令三十鬚如銀勞苦未得息大吏猶怒嗔况我挂其冠此骨已峻峭從前後行船已據要路津而我復重來相

見殊逡巡所恨年齒少衆論猶紛紛婦少難守節日長
難關門掩耳且捉鼻痛飲求昏昏

幼年負奇氣開口談兵書擇官必將相致身須唐虞十
二舉茂才立志何狂愚二十薦鴻詞高步翔天衢廿四
入詞林腰帶弄銀魚八載謫江南手板學奔趨再擢刺
史官勲格相齟齬一旦洒然悟萬念都捐除高蹈隋家
園甘心漁樵徒琳琅羅萬帙桃李栽千株當軒陳古鼎
隨手摩璠璣挂冠三十三不肯遲須臾民吏或留之長
行絕衣裾一變至於此是誠何心歟方春行秋令賢聖
爲狂且旁觀俱咄咄自笑亦渠渠不知千載後謂我爲
何如

漢代有朱邑授官於桐鄉懷抱長者心視民常如傷春
時巡隴畝夏日勸耕桑班白不負戴歌者日相望蕞爾
小邑中結構一虞唐入爲大司農惻然猶不忘謂我子
孫祭不如彼一方其時有汲黯亦復稱循良考其報最
績偃然卧在床卓哉兩君子身尊道彌光古今人不及
請以古較量苟促轅下駒古人無今忙長揖大將軍今
人無古狂古人重撫綏今人重趨跄今吏如牛馬古吏
如鸞鳳異官不異民蒼生受其殃三復循吏傳使我涕
沾裳

我愛薛徵士長吟號一瓢重劔瘞鶴銘更作安龜巢玉
骨一把瘦素書三千挑孤鳳翔青天世人不敢招平生

不負人只負青龍刀神駿今老矣聞戰猶咆哮願子采
靈藥勿憚大海遙從來英雄人往往凌丹霄狼籍青精
飯留以贈知交

我愛許子遜巍然一碩果此時橘中仙當日民之爹唐
朝顯慶車晉代洛陽火古色最斑斕深情笑言璚縱論
至於詩唐後無一可出其所著作使我袒亦左非隨少
陵遊卽入青蓮坐字挾華星飛筆落雲霞裊百怪雖妖
浮萬象仍帖妥平生枚自矜于此亦云頗忽然見夫君
人間有二我可惜七旬餘髮白貧無邪無力飲酒泉只
願吟飯顆雖非子夏盲已類鑿齒跛絃絕琴臺涼客少
花關鎖遙想竹素軒離菊黃幾朶

月下彈琴

明月照青琴，嫦娥似解音。
請彈流水曲，遙答廣寒心。
孤鳳語烟際，清商飛遠林。
惟愁七絃絕，不覺五更深。

偶成

自得隨園戶，懶開三年車。
馬長菴苔謝安尚，有東山夢。
江左空懷管子才，秋氣漸催雙鬢改。
夕陽親送六朝來，征鴻心事無人識。
飛去長天首不回。

寄魚門

江南江北路迢遙，同是門前水一條。
一日兩家流得到，如何人不似春潮。

南樓觀雨歌

六月午後風怒號白日隱匿如遁逃墨雲一角鍾山
忽然長曳將天包昏昏之中萬手招雨脚尚在西南郊
我登南樓梧桐梢放眼看盡青天潮欲來不來聲咆哮
破窗先有陰風敵白羽大箭天上飄小枝雜下聲刁騷
飛鳶跼跼立不平水晶寸寸垂絲絛龍堂亂把珍珠拋
海神欲上朝丹霄疑是昆陽戰鼓鬻亂走屋瓦虎豹嗥
又疑武乙帝膽驕射天天破革囊漂豈知熱極陰陽交
兀兀禾黍需脂膏我無羽翼同飄飄風雲羨殺蛟龍豪
又無長柄雷公刀大呼阿香斬羣妖但見小屋如輕舸
濛濛四壁生波濤家中江湖一望遙兒童削竹撐野篙
須臾雨止烟霧消終風之暴不終朝萬物乃有安枝條

野人赤脚凌涓涓對天狂歌甘澤謠我有南樓鵲有巢
彼此不曾濕毫毛看雨須立高山高

問倚

小池水鱗鱗閒倚闌干送晚春一陣落花牆外去
不知飄落打何人

邊邊

鬢邊初見一痕絲對此茫茫事可知排日急商行樂法
傷春怕憶少年時會須自愛生前酒難信人傳死後詩
著破阮孚千緡屐果然臣叔不曾癡

水西亭夜坐

明月愛流水一輪池上明水亦愛明月金波徹底清愛

水兼愛月有容坐于亭其時萬籟寂秋花呈微馨荷珠
不甚惜風來一齊傾露零螢光濕屨響蛩語停感此元
化理形骸付空真坐久并忘我何處塵慮櫻鐘聲偶然
來起念知三更當我起念時天亦微雲生

泛海行爲林爲山題畫

我本扶桑民手握金銀臺長侍玉皇側朱顏如嬰孩綠
章奏事蚪蚪誤衆人疑我非仙才不使瓊宮窺秘笈不
使結民生雲雷不許裁衣持熨斗不許調鼎和鹽梅但
賜玉船大如鷗鳥背採芝拾草尋蓬萊頃刻碧虛金闕
絕頂身吹落荒烟巨浪如飛來頭上有青天脚下無黃
埃蜿蜿諸龍驚濊族魚蝦猜道汝天上人胡爲乎來哉

萬怪愁我得靈藥復拔雞犬升仙階磨牙吮血相賊害
巨魚欲食張其腮我乃彎弓射殺之但見撐天白骨光
皚皚我非古周公能造指南車不怕東南地缺無津津
又非漢張騫兩足乘浮槎乘之直到嫦娥家惟有隨風
吹去如鷗耳過盡千片萬片雲中花天風茫茫吹不住
忽見先生播手處愛看青天明月光把船且縛珊瑚樹
須臾萍號起雨康回爭九門磔攘金雞鳴我方駒駒夢
入華胥國不許蒼蠅在旁鼓翅作微聲船已泊進一觴
醉鄉與滄川汪洋天上海上遊千場青青兩鬢還無霜

邢江留別

兩度邢江訪若耶香驄嘶遍路三叉兒家住處儂能記

門外碧桃一樹花

解唱清歌昔昔鹽珠衫斜挂當湘簾人間夜是青樓短
玉漏應教海水添

笛賦名傳午子香

主人名

丹心寸意託繁霜誰知珍髻

娃好索賴空交李十郎

李生負約主人薙髮寄之

仄仄風樵小小樓半安詩稿半梳頭一聲江上紅船檣
兩角眉峯萬點秋

莊念農寓秦淮聞余體有不適招同題客西園試
進呈新曲

故人憶我近中年爲寫閒愁動管絃一曲霓裳羽衣奏
公然聞在玉皇先

冀郎嬌小髮鬢露滴芙蓉酒半酣
今夕儘歌花十八
明朝剛是月初三

新聲五降紫雲飄
玉艷金清字字嬌
笑我身如趙簡子
病中猶得聽鈞韶

次日再宴觀湯道人作畫

殷勤再訪紫鸞簫
花對詩人分外嬌
好夢似雲連日至
酒痕如雨見風消
一河秋水迎新月
兩岸歌聲送暮潮
坐有神仙提畫筆
石闌干上寫芭蕉

三日後再宴

無日曾停江上筭
無人不愛謝才卿
鼓聲爭作白門曲
酒味狼如京口兵
居士屨穿鸚鵡舞
落花風定管絃聲

遙知幾夕仙音燭應化香雲滿石城

題沈凡民蘭亭卷子

有序

凡民與王虛舟裘魯清交最狎沈王故工楷法
五十二歲時各臨蘭亭一本互角精能畫者作
流觴曲水貌三人于其中亡何魯清死又數年
虛舟死凡民每哭一人則跋數語於卷尾乾隆
十六年十一月凡民來白下出圖命題余生晚
不獲見裘王兩先生而其時凡民之官建德余
又將赴長安感三友之多情逢兩人之將別磨
墨愴然不能自已

先生垂老淚星星行篋常攜感舊銘一代交情存筆墨

三人顏色付丹青酒杯白社秋來憶玉笛山陽雨後聽
五十二年鴻爪在昭陵風雪滿蘭亭

浮生難挹魯靈光風義羊求事渺茫兩晉書亡王內史
六朝人剩沈東陽金仙次第辭西漢宮女伊誰說上皇
惆悵鍾期來海畔斷琴彈落一天霜

衰草殘雲逐歲新梅花何忍住紅塵黃梁入夢剛三鼓
白首同歸又二人再拜未消寒食恨九原應記永和春
酒壚近日蒼涼甚不望河山也惜神

冬郎江上未生時醉殺微之與牧之名士散場君太老
繁華到眼我偏遲事如流水都陳迹人是相知易別離
珍重斜陽行色晚石頭城下望歸期

王景言鏡撥圖

僧繇畫山筆力雄白紙盡處山無窮磨墨直傾東海水
放筆能寫青天容墨淡則晴濃則晦筆潤爲雨枯爲風
瑪瑙不收丹碧爛芙蓉不落朱函封當空有洞百丈許
光騰寶鏡消妖虹相傳鹿巾仙住此八十年朝朝把鏡
石照世成滄田如今仙翁已去鏡還好世人來照只見
老王郎愛鏡兼愛山畫圖常挂空堂間只恐一朝生紫
烟破鏡有時飛上天

對日歌

昨日之日背我走明日之日肯來否走者剛除來者難
惟有今日之日爲我有消除此日須行樂行樂千年苦

不足縱使朝朝能秉燭燭殘雞鳴又嗻嗻人生行樂貴
未來既來轉眼生悲哀昨日之事今日憶有如他人甘
苦與我何爲哉樂旣不可過不樂又恐悲安得將樂求
樂之意境與我三萬六千之日相追隨君不見聞潛李
白之日去如風惟有飲酒之日存詩中

招客看雪不至

空山雜遣玉千枝醉拍闌干酒一卮可惜閣臨最高處
無人來看未殘時

咏雪

空山雪墜一聲鐘花落花開萬萬重窗外亂飛蝴蝶影
客來都帶鷺鷥容人情態笑青雲改版籍全歸白帝封

我自瑤臺廿小謫三年只種玉芙蓉

東皇剪水正紛紛吹上梅花不見痕但覺關河開曙色
竟忘天地有黃昏一生影落書窗好半世身從玉案尊
記得西湖尋酒伴斷橋西去最消魂

騎出青天白鳳凰羅衣誰耐九秋霜擬張廣廈遮寒士
可有多裘蓋洛陽蔥嶺風高花不穩南山樹盡絹猶長
朝來取其寒梅嚼賤子平生有熱腸

影蛾池北露盤西埋我還須此際泥半夜打窗春欲語
萬山失色影全低荒江處處敲蓬背冷巷深深印馬蹄
洒遍梧桐欺遍竹鳳凰猶有一枝棲

愛著羊欣白練裙清標自顧也超羣方圓不定原無我

去住何心只問雲已盡芭蕉招隱士更歌黃竹賦從軍
銷金帳暖茅菴冷一樣能來只有君

美人方寸貯瑤華數遍飛鴻爪上沙有意欲填將陷路
未知能作幾時花紛紛幣散瓊林庫籍籍兒擎玉蠶父
此夕蒼茫銀海裏淺斟低唱是誰家

珠簾斜捲影霏霏仙鶴來時貌忽肥天女禪高花片散
昆池臘盡劫灰飛嘗過甜味嫌山遠舞罷霓裳月殿非
惆悵梁園舊詞客裁霞空登五銖衣

一池清水變銀河斜拂闌干細點波遠客未歸秋塞外
衰年其奈鬢邊何分明落葉雲間舞太覺好花天上多
我本姓袁高卧者關門應唱郢中歌

偶成

神仙居空中日見他人死對之不斷腸其人非君子冥
然但一氣來去徒清風山河既已改妻孥復已空惆悵
不能已翻身踏寶中借此煅煉術巧作逢迎功以彼枯
槁後極此貪戀胸所以假月堂昏然李相公

同爲天上雲近日黃金色同爲地上水朝東水不結萬
物貴有恃丈夫重獨行千秋萬歲中吾豈無性情

春蠶一窠繭賢人一尺書精華留人間蟬蛻歸太虛魯
叟何皇皇暮年心不已退而慕六經亦賴有此耳

昭君生漢殿抱此明潔心常自重白玉不肯輕黃金騎
馬嫁絕域人皆尤畫師姬也神怡然中心猶感之使我

正椒房何以佐明治塞外少團扇或無秋風詩施恩不可少受恩不可多男兒與賤妾各自有蹉跎

刈田滁州過浦口題壁

花種河陽幾度秋十年春夢付江流肩輿重過路人起尚有遺民認故侯
郵亭艸艸一宵眠爲種滁州數畝田儘酌貪泉還獨笑買山不用此邦錢

湖古林禪師贈竹

朔風不住三日寒老僧打門雪滿山十夫負竹如負
二十四枝青琅玕琅玕種向空山裏枝枝綠影相
此竹還如受戒來當風不動定如矢主人眼饒

膜手獻上和尚書缺處尚需二十株女腰求細竹求
明年解擗春雷早請僧來看園中好方外龍孫卽外孫
一羣綠鳳參天小

朱長官歌

一江春水秦淮香一春情緒誰家長陌上亂飛雄蚊蝶
情長誰比朱家郎朱郎窈窕歌清曲小字長官人似玉
生來蘭質如紅鸞彈罷鳴絃吹紫竹召平捧檄過江東
欲采芙蓉露正濃半夜綠鞵呼董偃一生花底活秦宮
纏頭便與教師說書券親同阿母封使君出宰河陽土
子都駢乘調鸚鵡擁髻初愁離別難雙棲那識風霜苦
可惜花封百里遙桑麻不種種櫻桃禿巾小袖春騎馬

水榭風廊夜聽簫行樂竟忘公府召多情且把一官拋
人生禍福真難定飲章先有郎君姓邏騎爭爲瓜蔓抄
龜頭不顧青銅印公家簿錄到園田大索橫搜信入燕
南北竟張四面網將軍不值一文錢豈有胡椒傾八百
但聞珠履擲三千街頭爭賣死央牒市上傳觀七寶鞭
使君官罷返秦淮滿目河山玉節哀漢帝有懷尋故劍
楚襄無夢戀陽臺巫雲曉散留難住舊雨門闌打不開
惟有朱郎如落葉破船尾上載歸來三年重過板橋頭
楊柳霜經幾度秋往日兒郎多取婦舊時火伴半貂裘
琴聲都唱秋胡怨請郎別索同行伴誰識心同古井深
肯教柱促朱絃斷當時舞罷舊霓裳且付長沙庫內藏

上供憔悴青衫客下養婆娑白髮娘烏鴉聲
紫竹床懸斷袖涼燕子不驚三瓦漏芙蓉同死一
官塲相聚論紛紛羨殺江頭白使君不見雕關搜
居然海上伴朝雲君不見五侯門前車似霧朝秦
暮楚人無數將軍府第畧蕭條幾个任安能不去

聞尹宮保仍來江南

又聽軍中有一韓江南父老望衣冠舊厨婦喜調羹
易新病醫看下手難

除夕宿蘇州莊撫軍署中作

一聲雞唱兩年分舊雨當筵酒正醺歲盡未消殘臘雪
堂高留宿遠山雲瓊林春老花能憶官鼓霜清客怕聞

勸我行踪姑小住明朝元日莫離羣

小倉山房詩集卷八 壬申

錢唐袁枚子才

出山詞四首 正月十二日作

天涯有客賦長征，身要從容馬不停。
故節又從江左認，移文應向北山聽。
梅花送我開如雪，春草留人綠滿庭。
攬轡揮毫緣底事，幾行僮約付園丁。

十載青雲別鳳池，笑人鄧禹遍京師。
重看傀儡登場日，又到邯鄲入夢時。
白下笙歌催祖道，東山猿鶴問歸期。
沿塘新種芙蓉樹，待得花開看是誰。

出門身在百花前，難免花枝笑獨眠。
南陌馬衝紅杏雨，竹樓書鎖綠楊烟。
長拋春色偏正月，小住名山合四年。

薄宦心情江上水好風吹處便開船

飛沙漠漠傍雕輪情在蒼生累在身此去愧非初嫁女
再來原是謫仙人雲興海嶽思爲雨花別桃源怕誤津
聽說金陵諸父老望儂如望隔年春

余正北上而魚門來寧應試治行已具不能小留
路寄此詩

高唱驪歌路正遙忽逢舊雨過蓬茅儘拚此夕同君話
難改行期把客拋勞訊叮嚀千里寄奇書交易兩家抄
臨歧雙枕殷勤贈要我時時夢故交

蒙貽雙枕

葛嶺遇雪

葛嶺風高雪作花瑤臺頃刻遍天涯油衣半漏終輸瓦

斗笠微鳴類撒沙，一個馬嘶紅叱撥。千村竹舞白題斜，故山猿鶴應憐我。如此嚴寒不在家。

元夕過關山嶺雪不止

車鈴響答玉更鐘，石磴千條挂玉弓。匹馬獨當迎面雪，四山齊送打頭風。衣敲旅店花爭落，火熱寒天色不紅。誰信今宵是元夕，燈光一點白雲中。

滁州雪更大

環滁山忽空，化作水銀海。我坐破車來，郭索似籠懈。羣頭雲英英，劈面風灑灑。非鹽頻糝衣，似箭必穿鎧。高下箆簫鏃，傾危鬼谷押。離婁眈眸看，師曠躅足駭。掀淖思藥鍼，作霧疑張楷。遠望炊烟起，知有村落在小憇。撲衫

袴一刻千金買偶得束溫火當作妻孥待擁抱不忍離
良久蘇醒乃自笑卧雪人走雪業已駭甘棄郢中歌來
受田父給宜干膝六怒玉戲終日每未見脚行春先見
手承頰我乃喋澌坐嘿嘿念真宰想憐拙人拙面目太
鴛鴦故把珠玉粧增我鬚眉采又恐熱官熱前途將有
悔故把冰涼境使我心腸改春風雖無言吾意已領解
定遠喜晴

過盡江南路不平今宵纔喜見春晴青山送我回頭遠
紅日迎人對面生殘雪野田千點白夕陽茅屋半間明
征夫暫免泥塗苦水驛風亭好記程

大風過鳳陽

大風龍虎氣殘雪鳳陽城自有聖人出竟無青草生寒
陵飛野火古殿對春耕嘆息渡河去臨淮月正明

王莊又雪

人日東行裝上元動馬首出門六日餘呵凍不離口飛
沙疾於鳥飛雪大於斗紅日如故人相別竟已久偶然
露半而不肯終卯酉今宵宿王莊寒氣先上手果然雪
又飛飄飄灑枯柳雪片向南來我身向北走苦關此寒
威十旬常八九須念行路難此景年年有不從羈旅中
苦樂寧知否但記故鄉時圍爐飲春酒

宿州道中

問路沙何濶思鄉草又生客填茅店雜火傍馬頭明雪

小倉山房 卷八 三
色遙爭市河聲欲進城拖鞭共僮僕彈指記春晴

出江南界

村烟搖碧水拖藍馬上離離夢正酣忽見戍樓題字處
始驚身已出江南

歌風臺

高臺擊筑憶英雄馬上歸來句亦工一代君民酣飲後
千年魂魄故鄉中青天弓劍無留影落日河山有大風
百二十人飄散盡滿村牧笛是歌童

泣下龍顏氣槩癡子孫世世免全租有情果是真天子
無賴依然舊酒徒父老尚知皇帝貴水流如聽筑擊
千秋萬歲風雲在似此還鄉信丈夫

茅店

薄暮投茅店昏昏倦似泥
草聲驢口健帘影客頭低
几
仄燈依壁風停柳臥隄
故鄉何處望斜月亂山西

黃河

崑崙山頂星如火飛落青天路
莫探九派濁流橫海內
一條衣帶界江南清雖有日人難待
寒竟無時浪正酣
手拔長茭乘月去滿堤官柳碧
毵毵

途中清明

芳草萋萋動客情傷春傷別過清明
幾村綠樹初遮屋
一路青山半繞城麥隴祭殘鴉
競立野塘風過水爭鳴
潘郎再得河陽郡只種桃花不送迎

東阿道中

春慵人倦脫驂遲，齊魯風情筆一枝。
荒塚有碑頻勒馬，酒家無壁不題詩。
難禁屈突蔥三斗，且試何郎餅半規。
滿路白楊如削鐵，四叉樓上夕陽時。

沙溝

沙溝日影漸朦朧，隱隱黃河出樹中。
剛捲車簾還放下，太陽力薄不勝風。

登嶧山

嶧山高六里，氣與泰岱通。
我行鄒魯邦，登茲最高峯。
拒日留殘雪，破崖挺孤松。
方截紫瑪瑙，圓堆青芙蓉。
如以萬彈丸，拋撒青天中。
千鈞借寸勢，枕籍停虛空。
元氣相

扶持終古青濛濛下視九州土炊烟白幾重天形依水
盡目力與雲窮時當正月會玉帛慶神功遊人萬點蠅
穿插玉玲瓏不見秦王碑亦無禹貢桐石爛字跡滅廟
荒莓苔濃嘆息滄桑變長嘯凌天風

山泥

山泥淋漓陷征車撲面驚沙恨有餘此際故園三月半
萬花圍住一樓書

寄盱眙尹莊念農

名經翁爲本州陳墓楷所劾
欽差舒公超等之

黃河堤邊紅鯉魚三十六鱗能寄書我欲寄書向何處
盱眙之山有名姝名姝曾被蛾眉妬鳩鳥爲媒向天訴
天公不信遣鳳凰爲洗浮雲出秋兔年年雜佩贈瓊瑤

往歲相逢興更豪愛儂詩句親身寫累汝羹湯隔夜燒
秦淮八月秋水清徐郎樂府新製成一人一騎一行札
南山之南來相迎邯鄲琵琶漁陽鼓蹇姊徵歌雪兒舞
讓出秋風白玉床留人那管孤眠苦秋去冬來雪滿街
綺筵瑤席更重開座上不知三鼓盡飲中爭聘八仙來
兩人真是柘枝顛兩意都愁別可憐留得弟兄真面目
畫圖還倩李龍眠龍眠為白描兩態於今身作西飛雁君與梅
花同不見滿眼橫飛塞北沙回頭忍說南皮讌丁丁鈴
鐸聲蕭瑟似爲征人訴離別離別何妨再見君見君未
定知何日當日相逢太盡歡今宵歡盡難爲憶三千里
外夢魂中猶把君杯看明月

寄周其相

正月二日月未圓橫塘之波木蘭船紅燈晶熒船未
有人來贈雙玉盤盤中盈盈何所將真珠密字三千
下言加餐保玉體上言努力扶 君王其餘字數細如
織半是相規半相憶開盤讀罷中心哀世皆欲殺君憐
才桓伊吹笛柯亭至伯牙彈琴海上來舟師那解驪歌
曲發船打鼓來相促三更攜手別河梁一舉風前學黃
鶴自從別後征車早青袍日日長安道五陵年少半相
知相知那復如君好玉笛催殘塞北霜春光青入江南
草月明花落最思君思君一夜紅顏老

和良鄉題壁詩

詩末有篁村二字

天涯鴻爪認前因壁上題詩馬上身我爲浮名來日下
君緣何事走風塵黃鸝語妙非求友白雪聲高易感春
手盪花箋書稿去江湖沿路訪斯人

錄原作

滿地榆錢莫療貧垂楊難繫轉蓬身離懷未飲常如
醉客邸無花不算春欲語性情思骨肉偶談山水悔
風塵謀生銷盡輪蹄鐵輪與成都賣卜人

荏平題壁

牛燭燒燈射酒紅杏花村小漏丁東春寒滿店數聲雨
明日亂山何處風

二馬車歌

兩木架車直且方，百騾夾木馱脊梁。皮韃鐵鏈互攬，秘
盪搖日夜聲琅琅。憶我四年竄幽谷，兩手不復知鞭韁。
忽然遊興如草發，欲與此物相抵當。毳毼鋪褥身危坐，
天地見我先低昂。橫搖兩尻面，搯背不許粒粟留中腸。
平生傲骨矜峻嶒，一旦篩鑿成批糠。其時北風天雨雪，
凍雲隆隆如壞墻。僮僕憐我手皸瘃，油衣代瓦張兩旁。
須臾昏黑如載鬼，望氣不復知陰陽。我頭岑岑胸作惡，
蠶眠繭中死且僵。急牽帷幔作遠視，凍死猶得瞻穹蒼。
睜眸凝望意稍定，死灰復然神洋洋。始知平生惡曖昧，
兩眼本是青天光。人生習慣成自然，二十二日安如床。
村荒路滑催早起，明星爛爛夜未央。惟北有斗方若箱。

惟南有箕日簸揚僕夫唱歌我遙答日出不覺長安長

入都

舊遊重至倍關情何況迢迢白玉京
狄我摩前世物陽休人訝古賢名入
朝門戶層層記到眼公卿一一
驚多少上林棲息處似曾相識有宮鶯

曉日

曉日朦朧玉殿開觚稜回首認蓬萊
十年江海風塵吏重踏花磚舊影來

待漏彤廷簪筆行摩挲金馬說前生
憐才尚有裴中令可惜頻呼韓愈名

望見紅雲識玉皇天恩委曲問家鄉
宮門乍出聽人

羨何物微臣話獨長

哭許南臺

未入長安境先聞舊雨亡
旆旌如有待白馬正升堂
烏嶺三生夢紅蘭一夜霜
古人傳袒免風義重他鄉
恨我三年別偏遲十日來
班荆人面遠待哭寢門開
舊僕還留飯嬌兒學舉哀
江南諸父老兩泣向泉臺

別座主留松喬少宰十年聚
未匝月遽爾拜辭公
白髮相扶泣然隕涕枚亦悲
不自勝泣呈一詩

絳帷分手最堪悲
况復吾師頭白時
乍見又成千里別
再來難定十年期
花飛碧樹春將暮
鳥戀斜陽下獨遲
回首龍門雲在望
登車惟有淚垂垂

少宰和詩

十年前憶汝相離正是金門待詔時
一去江南歌異政至今閭左望歸期
恩新西地親民早病廢燕臺出
餞遲慚愧人家春正好庭前桃李發
垂垂

赴官秦中

十年辭闕竟重還一檄文書又赴官
雙履鳧飛朔漢遠五羊皮少入秦難
激聲舊愛伊涼聽山色新添華嶽看
傳說關中多勝蹟男兒須到古長安

六朝雲物舊淹留更向咸陽作壯遊
萬首詩編秦楚地半生官領帝王州
未知兩陝誰吾土孤負三吳說故侯
到得函關應四月行人爭耐一春愁

喜門生李蘋同檢討分校禮闈

未修前輩光齊耀且看華堂玉筍清
慚愧司東頭未白居然門下見門生

過保陽回金太守質夫宿周燮堂署中作

人舊白頭新天涯倍愴神可憐談笑處同是別離身
燈影虛堂雨鶯聲客路春秦關千萬里腸轉似車輪

江南哀庚信僮耳老東坡白刃餘生健青雲舊夢多
小窗重剪燭大海早揚波莫斬醇醪飲蛟龍脫網羅
質夫大辟會擬

樂城留別

陌上花飛五夜風文霞人光映彩雲紅碧梧翠竹三千

樹鳳鳥曾棲定不同

一夜郵亭落月遲輕塵短夢兩難知
臨期苦問重來日腸斷楊花滿路時

楊花曲七章河南道上作

清明三月洛陽堤滿路楊花踏作泥
一片春痕萬重雪有人迎著上遊西

飛花偏繞紫遊韁輕似吳綿濬似霜
那有閒情管離別自家離別一春忙

無端晴雪下青天舞罷珍珠掃作州
一種深情天怕管狂風吹斷又纏綿

蕭蕭落日黯蒼苔歌罷銅鞮玉笛哀
畫出春如遊蕩子

風斜雨細不歸來

枝頭小住最閒情
廿四番風各自驚
化作浮萍終聚會
不知儂可有來生

相對茫茫我欲愁
蕭郎新曲唱涼州
江南此際珠簾影
難免飛花入畫樓

玉笛關山萬里雲
短長亭上最愁人
情波搖蕩心旌轉
春送行人我送春

峽石望二陵

近陝山河壯
當秋草木清
二陵南北峙
一望古今情
雁影雲中斷
西風石上生
蕭蕭紅勒馬
猶過戰場驚

曉行

帶夢坐車上
灩灩露草薰
燈光雙鐸語
人影一鞭分
病馬前程緩
殘星曉角聞
僕夫愁雨至
西北有浮雲

光武原陵

滹沱河伯呼且奔
白水真人夜踏冰
凍合玻璃三十丈
陰風潏潏白日凝
中原妖氣猶未消
擊賊深入馬太驕
三日真龍旗不見
蕪亭麥飯風蕭蕭
人道蕭王遜高祖
我道蕭王轂英武
五槍銅馬萬千羣
不比鴻溝當一楚
白蛇當道一劍分
九日爭天太陽苦
山東兵亂伯升亡
枕上淒涼淚數行
未必中興輸草創
生來天性勝高皇
掃除四海淨風沙
遂得初心陰艷華
豈是糟糠忘故婦
免教人鏡出劉家
一時馮鄩皆師友
殊勝爭功半虜酋

扶風俠客馬文淵刺刺西廷亂張口兩朝天子定低昂
只在尊中一杯酒

唐昭宗和陵

長安李花十八葉春風吹過無顏色少陽院裏壽王來
粉破金甌偏拾得壽王扈蹕蜀道眠一麾曾受軍容鞭
軍容威勢竟如此敢喚門生作天子家奴難制付將軍
從此明堂起陣雲岐汴爭彈紇干雀飛去飛來欲凍殺
朱扎者三黑詔四一個繙郎呼不至倉皇四顧虎狼羣
誰是官家心腹人惟有院中韓學士曾讀詩書解愛君
明知精衛空銜土且喜葵花戀夕暉召來仍恐旁人怪
私語昭容看可在夜深月黑君王來手握冬郎淚如海

君王雙淚落未消前旌啟行後殿燒梁武有書求苦蜜
石超無表進秋桃殿中誰勸將軍酒皇后雍容雙玉手
想吹春氣變蒼鷹誰料全家歸虎口免乳難辭十月裝
擊球小隊換諸郎兜籠夫婦霜千里絹詔淒清字數行
低聲偶語君王耳明日蛾眉血已涼宮門八月夜二更
叩門響急銅鑼鳴美人開門詢未畢忽然花落春無聲
單衣繞床走不住龍髯剩有香肩護寢殿刀光玉几明
金屏血色珠燈暮叩頭還請活須臾傷心更有中宮誤
明日金籠鸚鵡啼聲聲萬歲呼如故太宗王業太蕭條
積漸由來匪一朝今日軍容專鳳勅明朝阿父挂龍韜
那見少康興夏室空聞高貴葬東郊君王圖治當年早

可惜中才事，難了生長衰。朝作帝，難何如。平世爲時，
於今石馬卧秋風。春草春花杜宇紅。年年嗚咽山陵，
不怨朱三，怨祖宗。

周世宗慶陵

海內風塵極，英雄天子生。山河歸智勇，氣數限功名。日
角龍岡出，雲陽鳳輦行。有書皆御覽，無戰不親征。文物
歌周雅，明堂啟漢京。三關談笑得，五季濁流清。銅像先
銷佛，金河待洗兵。降旗江上豎，春酒草橋迎。華夏咸全
攝，燕雲意力爭。先難仁者事，柔遠聖人情。一旦軒弓墜，
千年禹甸傾。中原從此歇，內地幾人耕。朝覲謳歌改，孤
兒寡婦驚。錦囊書慘淡，玉鉞涕縱橫。萬里經綸志，高天

甲馬聲河南好秋月只傍慶陵明

北邙山

山冢鬱嵯峨輕車山下過有詩吟不得此處古人多

修化道中

繞空嵐翠割天光青滿河南是太行萬點野梨明玉露
一山春草健牛羊難招古樹談前代且把殘書認戰場
回首暮雲腸欲斷向南飛去雁銜霜

閩鄉道中

閩鄉西去走車難石子雷碾路百盤沙起馬從雲裏過
山深天入井中看人穿三窟懸崖險地裂千尋大壑寬
誰道中州四時正春風一日兩溫寒

邯鄲驛

暮雨蕭蕭旅店來
白看孤枕笑顏開
黃梁未熟天還早
此夢何妨再一回

過衛輝懷前郡守王孟亭

建月樓空風露侵
浮雲西北結層陰
鳳凰去後碧梧老
遊子過時烟水深
白下閣留詩酒債
馬頭春帶別離心
黃初詞賦臨江宅
短髮天涯何處吟

未知

未知漢口黃江夏
容否當年禍正平
張敞治蒙密薦
賈彪解難竟西行
是非那畏三長吏
得失何爭一老兵
莫道咸陽號天府
修身儂亦有金城

意有所觸得詩三首

天地盪風輪三百六十度星墜與木鳴不能稍回護何
况蚩蚩氓傀儡寧不悟耳目手足間丹漆膠絲作汝巧
非汝能汝拙非汝誤茫茫大化中主之別有故

行行重行行遊子廿遠道不豹已投秦廉頗終憶趙我
親雙白髮七十已衰老暮鷄與么豚牙牙尚文葆妙旣
女龍寡妹亦諸孤孰置家在古杭買山在江表有書蠹
勿除有園花不掃男兒抱大志家業原難保但問馬少
游名心已了了出山泉不清在家貧亦好此意豈不知
此味吾尤曉所爭一念差悔之苦不早抽刃斬亂絲餘
緒猶繚繞

我衣宮錦袍方歌合巹詞其時同婚者惟有徐

文淵與

伊

興阿今徐爲異物掛劍空涕泗伊亦謫蓬萊

有髭惟我十年來吏隱兩得之雖無風雲力亦無風波
危若將終身焉此樂誰能追胡爲重入夢碌碌風塵馳
人生無全福明月無圓輝領慣少年樂忘却長年悲朝
來攬鏡中星星者爲誰

寄聰娘

尋常並坐猶嫌遠今日分飛竟半年知否蕭郎如斷雁
風飄雨泊潮橋邊

一枝花對足風流何事人間萬戶侯生把黃金買離別
是儂薄倖是儂愁

杏子衫輕柳帶飄江南正是可憐宵無端接得西征信
定與樵青話寂寥

上元分手淚垂垂那道天風意外吹累汝相思轉惆悵
當初何苦說歸期

思量海上伴朝雲走馬邯鄲日未曛剛把閒情要拋撇
遠山眉黛又逢君

雲山空鎖九回腸細數清宵故故長不信秋來看明鏡
爲誰添上幾重霜

滿上

不渡桓元子當年喚奈何秦雲臨水薄古跡入關多世
事仍兒戲詩情仗楚騾千行萬行柳有意拂鳴珂

昭君

陰山月落夜啼鳥放下琵琶影更孤知道君王終遣妾
將軍不賜賜匈奴

入陝感李濤故事

殺氣殷天戰血紅營門高唱有英雄請誅太尉人來矣
吾戴吾頭送與公

秦始皇陵

生則張良之椎荆軻刀死則黃巢掘之項羽燒居然一
塚尚在臨潼郊隆隆然黃土浮而高祖龍邯鄲兒奇貨居
大賈焉目而豺聲橫絕萬萬古既滅周家八百年更婦
三皇五帝如灰土長城一帶中華牆金人閃爍青銅光

虎視六合內自非天崩地拆何所妨只恐悠悠白日沉
扶桑高登泰岱山大呼海船來童男童女三千人尋花
採藥金銀臺嶺山鞭石鼉鼉走惟有蓬萊宮闕無人開
歸來不作神仙遊轉身翻爲白骨愁上象三山下錮三
泉鑿之空空如下天百夫運石千夫舂魚膏屨炭榻村
封美人如花埋白口黃泉再起阿房宮水銀爲海捲身
瀉依然鮑魚之臭吹腥風驪山之徒一火焚犁鉞欄杆
來紛紛珠襦玉匣取已盡至今空臥牛羊羣乾隆壬申
歲五月 詔遣牲牢祀百王大官騎馬踏塚過不擲
天家一炷香

秦中雜感

高登秦嶺望，裊斜鐘鼓樓。空巢暮鴉古，井照殘宮殿影。
書堂吹入戰塲沙，賀蘭風信三邊笛。杜曲霜痕九塞花，
每欲憑欄怕惆悵。二千年是帝王家。

三唐雁塔聳秋霜，一過摩挲一自傷。倭國不求蕭穎士，
都門誰餞賀知章。空教閭闔來天馬，是處阿房集鳳凰。
欲賦西京無底事，玉魚金盃盡悲涼。

天府長城勢壯哉，秋風落葉滿章臺。一關開閉隨王氣，
絕頂河山感霸才。安石本爲江左出，賈生偏過洛陽來。
漢朝宣室知何處，金馬門前月更哀。

一城秋與華山分，骨賣千金馬不羣。燕影尚尋田實宅，
蟲聲如弔帝王墳。涼州樂府清商曲，玉女蓮花薄暮雲。

惆悵無雙李都尉低頭還盼大將軍

時制軍巡邊

百戰風雲一望收龍蛇白骨幾堆愁
旌旗影沒南山在歌舞臺空渭水流
天近易回三輔雁地高先得九州秋
扶風豪士能憐我應是當年馬少游

誰從藥店唱飛龍搖蕩心旌碧海東
霜裏征鴻驚戍鼓秋來仙淚下金銅
新詩自挾秦風壯舊夢常懷楚雨空
何日眉痕畫京兆邯鄲道上走花驄

迎春屬未至

偶探紫氣出雨闌不信新婚亦素冠

秦人新婚亦戴白帽

馬踏廢

營沙怒語鵬盤大漠鳥驚看新遷
雞犬思鄉苦未死親朋見面難
檢點殘碑聊慰藉古來名士滿長安

連宵擊筑唱嗚嗚小吟黃鸝逐酒盞
秦代只存明月好

四方偏覺美人無山尊白帝都朝歡客到咸陽怕作儒
季子黑貂裘已敝書燈空照塞雲孤

潼關

雞唱三秦曉潼關八扇開九州疑地盡匹馬上天來城
影高難落河聲去不回九泥忘禁谷懷古有餘哀

馬嵬

倚杖營門淚數行君臣此際太倉皇興元一詔三軍泣
何必傷心向佛堂

莫唱當年長恨歌人間亦自有銀河石壕村裏夫妻別
淚比長生殿上多

父老原知有此行上方雜進露葵羹宮中苦賜金牌子

猶恐猶龍養不成

家家逐水唱黃裙金屑桃丹信屢聞

史言貴妃繼亡惟劉禹錫詩稱服金

屑一襟邯鄲同走馬慎夫人遇漢文君

登華山

太華峙西方倚天如插刀閃爍鐵花冷慘淡陰風號雲
雷莽回護仙掌時動搖流泉鳴青天亂走三千條我來
躡若躡逸氣不敢驕絕壁納雙蹠白雲埋半腰忽然身
入井忽然影墜巢天路望已絕雲棧斷復交驚魂飄落
葉定志委鐵鑊閉口謝人世伸手探斗杓屢見前峰俯
愈知後厓高白日死崖上黃河生樹梢自笑亡命賊不
如升木猿仍復白崖返不敢向頂招歸來如再生兩眼

青樓夢

一 虛言

官以阜兆民貴在知民風所以漢守令旌旗故鄉紅貞
觀分兩選一西而一東毋過三十驛政和道猶同元明
有衰政探符以爲公章甫適越俗燕鐔爲胡弓嗜慾不
相達言語不相通山都爲債帥臨民如蠶蠹方知古賢
法妙在人情中先期而除弊其弊方無窮

常讀聖人書恍然明治理富之與教之不言其所以足
兵與足食亦不序原委吾其爲東周期月而可矣學校
井田方一字不挂尚唐虞命皐夔欽哉兩字爾大哉聖
人心堯舜同孔子我但責其效設施聽之彼彼之能與

否惟在我所使孟軻談王政漸覺聒兩耳後儒更紛紛
拘牽守故紙常平倉最佳東漢樊豐起車戰古最精陳
壽敗如洗民靜政轉繁人活法先死宜乎三代風憂然
亦竟止

奇物取大節瑕瑜不相蒙謝安遊江左挾妓東山東香
山守杭州絲管醉春風當時兩賢人勳業何穹隆宋後
異於昔法網如張弓所乘山斗外所爭糠粃中腐儒死
糟粕俗吏甘雷同烟視而媚行繩趨而溝裏所以古樂
府長歌可憐蟲

齊梁重氏族王謝最門高侯景擁強兵求婚不敢招貞
觀加釐定等級無混淆匪以寵帶屐使倚人門驕實以

衛王族與國爲長消豈有非吾偶結綯而上交黃金
自重一兩祇千毫郎官應列宿東觀皆備曹胡爲負此
續使我心鬱陶

衛侯作夷言取笑自彌牟南人強北音之推代含羞緣
何夔人子譚梧偏呀變好學埵澤呼不待楚人咻滿口
裸夷夏唇齒皆王侯未登拗項橋先爲反舌鳩終竟神
不狂改字不改喉大言雖炎炎聞者搖其頭侯音宮女
笑蠻語參軍愁何不操土風高師一楚囚

唐朝取人才八十一科目偶納告身者亦且試所學宜
其名器重一代官方肅凌夷至五季剝運邁陽九刺史
爲能歌節度爲能走後人笑吃吃以爲忝竊徒我轉笑

笑者淺之爲丈夫彼終有所長勝於并此無

長安知交寥寂與歐陽臨川相得甚懽歐攝篆延
長余作詩送之

同抱鸞飄鳳泊情輸君先看受降城聽風聽水霓裳曲
記取西涼第一聲

禪心曾學病維摩此去休憎吉莫靴且喜放衙秋塞外
訟庭人少亂山多

霓裳唱罷唱銅鞮騎馬咸陽烏夜啼今日瀟湘花欲笑
鳳凰巢定好雙棲

客裏殘星雁數行兩家琴酒日相將斯人更唱陽關調
從此長安是異鄉

扁鵲墓

不種青山藥滿林那知國手葬湯陰一坏尚起膏肓疾

九死難醫嫉妒心

相傳塚土能療病而身為妒者刺死

王札丹砂環馬鬣

溼風寒雨病春禽齊王莫怪仙機早從古昇平憂患深

武后乾陵

高捲珠簾二十年女人星換紫微天明堂黜配無光武

本紀開端有史遷鶴監儘容才子住南牙不放阿師顛

蓮花霜折宮牀冷猶見金輪濕晚烟

含風殿唱小秦王短髮重歌武媚娘十月梨花知宰相

一篇檄草嘆文章慈心果白啼鸚鵡殺氣終教曬鳳凰

愛絕醜奴為殉未荒墳相對有莊襄

乙卯后寂陵

寂陵雲氣動高秋，積麥厓空雨未收。
殿上龍衣憂社稷，宮中鳳輦入山邱。
新人妒挾三軍至，故劍恩從一哭休。
比到和番更幽咽，斷烟衰草至今愁。

過新平弔苻堅

萬里青蒲一夜霜，如君才可說天亡。
齊桓遠畧生前亂，句踐忘恩舉國狂。
三輔烟高風力轉，雙飛人去紫宮涼。
休將成敗英雄論，千古遺民哭五將。

王猛墓

渭南高冢象祈連，諸葛能支竭幾年。
一代君臣魚得水，三秦宮殿鳥啼烟。
山河割據人才貴，華夏興亡歷數偏。

不嘆滄桑嘆遭際爲君流淚古碑前

楊震墓

關西夫子久心傾
華表經過馬暫停
七塚序依昭穆位
一牆秋與華山青
中年遺祭悲身後
大烏臨喪愧漢廷
可惜蒼茫雲樹裏
無人能指夕陽亭

昭陵

一卷蘭亭送鼎湖
風雲猶自護金鳧
九原葬禮君臣盛
異代靈旗石馬趨
家合華夷春酒煖
老傷骨肉聖心孤
佳兒佳婦憑誰託
青雀終當勝雉奴

戲馬臺弔宋武帝

身披衲襖博千場
萬馬登臺劍有光
一逐水仙歸大海

三擒天子出咸陽
白紗帽急金甌小
野葛燈懸玉燭忙
可惜雄心當暮齒
關中父老易沾裳

鈎弋夫人通靈臺

七十春秋有限懽
美人拳內賜金環
終知宛若通靈少
不信曉門作母難
簪珥飄零椒殿冷
神光來去竹宮寒
官家日暮途窮事
莫向英雄傳上看

汾陽王故里

甲第曾將永巷收
千年華屋感山邱
功名遠掃蕭曹局
歌舞長消蠶種愁
一代侯王供僕役
半房兒女任啁啾
我來難覓親仁里
暮雨瀟瀟過華州

杜牧墓

蕭郎白馬遠從軍，落日樊川弔紫雲。
客裏鶯花逢杜曲，唐朝春恨屬司勳。
高談澤潞兵三萬，論定揚州月二分。
手折芙蓉來酌酒，有人風骨類夫君。

盤古冢

名字虛無姓渺漫，當年誰與葬衣冠。
能將莽莽乾坤闢，亦復蕭蕭邱隴寒。
數典更無前輩在，畱墳似與後人看。
不將死例當頭定，世上紛紛事更難。

送黃宮保巡邊

萬馬立清霜，將軍出朔方。
朝廷西顧重，秋色玉關涼。
虎帳風雲氣，龍沙劒戟光。
今朝啟程日，謀報左賢王。
絕塞昆侖外，天朝本一家。
金河無戍鼓，羌笛有梅花。

贊普甘松市條支白象車來瞻令公舉行疾進琵琶
放馬生羌養屯田野鳥耕好開都護府寬築受降城月
避雕弓影兵消老將名凌烟趙充國心不重橫行

九月防秋畢孤烟大漠空班超畱侍子宋璟黜邊功耀
甲天山雪鳴笳瀚海風燕然有人在滿筆待明公

三垂岡

太原西行五百里馬頭一片陣雲起路人手指三垂岡
行客心憐李亞子乃翁仗劍沙陀來黃蛇遠遁道潼關
開氣吞朱三力不足雷 無耀龍一目李花吹落風淒淒
十六宅王口呼飢官家不聽鴉兒語紇干山頭凍雀飛
邢州還軍上黨行萬馬立月霜毛明酒中照見白髮生

英雄老矣難爲情將軍鼓瑟伶人唱老淚珠光滿貂帳
膝前五歲有奇兒掀髯一指心還壯劉家夫人抱兒去
張家老奴共兒住兩美真存緩帶心七哥苦積監軍賦
十年郎主戰袍新重過先王置酒處三箭高懸太廟涼
一年一箭報先王幽州兒女朱絲繫汴水君臣白馬降
初心雖負輕移鼎國號依然不改唐生兒如此尚何憂
漢有孫郎足與倚此外英雄那堪老百年歌唱淚空流

古意

妾自夢香聞志郎在遠道不慣別離情回身向空抱
淚墮酒杯中光添琥珀紅請君嘗此酒相思味不同
種梅北窗下香花開似雪日日有春風梅花常傲妾

打起女兒箱寄郎寒衣裳從前說薊北今日又咸陽

車中雜憶古人作五六七言詩

大度如劉季難忘嫂曼曼偶將雍齒賞終逐鄭君行

沛公

舊雨鍾離味成功麝食其兩人都可負一飯報何爲

韓信

魏王漳水獵旂拂滿山雲只有辛長史能將苦樂分

辛毗

文澤爲大府比例自宸衷最是張湯輩公廉有素風

張湯

李廣射猛虎周處斬長蛟一日忤貴人低頭盼毆刀

李廣

徐爰講喪禮趙鬼讀西京寄語今三揖兒曹未可輕

徐爰

養寇心如怯屯田草未耘不逢漢宣帝難畫趙將軍

趙充國

國

德得徐公言論不須學問爲長他日都亭狼狽方知未

學靈光 徐羨之

斗柄鞠躬向北桑枝被髮朝南殺得東平夫婦息夫雖
貴難堪 息夫躬

臨替時苗畱犢犯齋周澤彈妻只道好名忍痛蘇公一
撻先啼 蘇世長

十萬黃巾拜下車泰山主簿侍門闕東京風味真堪憶
賊亦尊師鬼讀書 鄭康成

贈汝人間開國公一頭手自擲東風年年布絹三千疋
苦累西朝賞未終 高放曹

十年東觀老黃香萬里韓彭走戰場爭似山西曹妙達
一聲歌罷便封王 曹妙達

醒來頭枕君王膝，歸去身棲衡嶽烟。一事思量轉惆悵，
爲人家國誤神仙。李鄴侯

生受韓彭百戰功，如何烏盡竟藏弓。莫嫌冤氣無時雪，
卒飲鯨徒一箭終。高祖

幾行鸚段寫無端，只愛金陵畧綽盤。爭怪江東羅處士，
脚間夾筆敵朝官。羅隱

謝安別墅圍棋日，王衍車牛獨賣時。同是一般好風度，
兩人成敗卒難知。王衍

汴梁懷古

汴梁城頭啼杜宇，黃昏似向行人語。行人駐馬聽斷腸，
知是當年趙主趙家八葉賢。子孫神霄玉殿擁紅雲。

裁詩譜畫稱絕妙只少一事能爲君元祐諸臣竄且老
黨人碑豎銅甃道賜褒爭看媼相尊排闥只覺髯鬪好
自從花石採東南樹上黃封月二三綠竹數竿千艇挽
黃楊三本百夫擔萬歲山禽呼接駕九華仙子從天下
良嶽烟巒半起雲焚樓燈火全忘夜幽燕胡馬忽長號
頃刻阿房土欲焦三遷不決東周議六甲空憑道士妖
望斷平安火不歸金銀括盡戰兵稀慟哭六宮辭九廟
龍袍催殺換青衣黃沙漠漠乘輿去萬姓哀號畱不住
一色宮花牛背馱回頭望斷河南樹通德門空噪暮鴉
琴臺月榭鼠爲家晉唐書畫商周物小劫全爲塞北沙
行人過此莫沾裳且作風箴戒百王君不見南關敗瓦

霜華白猶刻宣和字一行

再題馬嵬驛

萬歲傳呼蜀道東
蜀拳兵諫太匆匆
將軍手把黃金鉞
不管三軍管六宮

到底君王負舊盟
江山情重美人輕
玉環領畧夫妻味
從此人間不再生

香囊消釋玉魚涼
萬里園陵白露荒
聽說西宮恩幸少
梅花猶得落昭陽

不須鈴閣怨秋聲
何必仙山海上行
只要姚崇還作相
君王妃子共長生

虎牢關

客行未回頭馬首忽然停上書虎牢關石碑字西向黃
土夾青天白日氣悽愴勢與來者敵路偏絕虎創設馬
可填道萬軍一夫抗雖無鬪爭旗尚留割據據我從西
秦來大雨逢秋漲前車山外響後車谷口讓升如出井
底墜如下天狀又如走漆城蕩蕩不可上緬懷春秋時
宋鄭所依傍泊乎楚漢間成臯一巨障雄圖一瞬空地
險千年壯鬱鬱懷古心浩歌寄惆悵

長安苦熱

南方苦熱宵猶眼西方苦熱徹夜煎地高星密太陽近
况復赤帝行青天我來更僦小屋居如坐甑底圍紅爐
手搖大扇兩腕脫黃沙飛與炎風俱欲走郊原散暑氣

曲江久絕昆明廢關內真成火德王渭河也作湯泉沸
南山僵立天乾封大官祈禱雙燭紅車前馬前僧道從
蜺旌火傘聲隆隆相看揮汗變成雨何處驅雲喚起龍
我無民社例須到四鼓轅門五鼓廟千卿甚事作奔忙
旱魃擲掄土龍笑憶種江南十畝桑北牕高枕清風涼
底事熱中心未了白尋焦土弔阿房

邊歌

邊歌唱罷白雲哀人出陽關眼莫開歲久髑髏吹作雪
隨風還上望鄉臺

靈武

南內歸來玉璽涼爲兒親著帝衣裳願兒只學宮鸚鵡

長向風前問上皇

戲題高頰傳

獨孤難療倉庚肉
公學鷹揚計太深
黃鉞白頭甘掩面
安知不有邑姜心

溫泉

華清宮外水如湯
洗過行人流出牆
一樣溫存款寒士
不知世上有炎涼

同客晚眺

鄠杜風花曲水濱
長安三月有餘春
攜來魯酒新從事
同看秦雲舊美人

稠桑野步

負手荒郊一埂長，幾家籬落不成莊。
木棉花老飄秋水，霜柿紅深墜夕陽。
逼岸潮來魚入澗，打禾人去鳥窺塲。
回頭自視雙輪影，及早還鄉好種桑。

舟至黃河揚家口爲逆風吹閣淺沙中三日

謂行不見青山移，謂泊不見蘆花岸。
黃河心裏一船橫，離人目對烟波嘆。
離人思歸眼欲花，秦關萬里走風沙。
河伯何事偏投轄，坐阻遠客不歸家。
來去紛紛墜眼前，飛橋過艦如雲烟。
此船萬斛莫輕舉，要等長風力動天。
歸隨閣後陶西圃，需次長安入山道別。

策馬西歸日未曛，河梁重向草堂聞。
對牀燭剪三更雪，聞卷詩添萬里雲。
春樹未青先折柳，霜鴻才聚便離羣。

笑將身上征衫解帶著餘溫贈與君

凍合關河水滿池弟兄一樣遠行時出山似我終無定
見而知君尚有期變相棋原千萬局賞心梅只兩三枝
相逢太巧相離速縱極懽娛爭敵悲

小具杯盤話別懷尊前且緩僕夫催菜心不食存生意
悲白長留見治才敢說抽帆先到岸重看標劍去登臺
叮嚀莫掩花關臥恐有相思夢粟來